



國家清史編纂委員會·文獻叢刊

七編

清代稿鈔本

第三一九冊

國家清史編纂委員會・文獻叢刊

七編

清代稿鈔本

第三一九冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM 南方出版傳媒
廣東人民出版社

・廣州・

第三一九冊目錄

尤氏金匱翼

尤氏金匱翼

八卷

尤在涇撰

鈔本

延年室穎川拙卿藏

尤氏金匱翼 卷一
二

余姪在涇幼習儒業長精於醫於古方書靡不畢貫而治病一以仲景為宗既以其道活人慮無以昭後世也廼註仲景金匱即世所傳金匱心典是也間又取雜病討論之集為八卷詳其證候析其治法表裏虛實之辨補瀉溫涼之用開卷瞭然如指掌焉嗚呼此道之難知也久矣今睹是書抑何其深切而著明也惜其所註仲景傷寒論名貫珠集者余不得而見之然在涇不專以醫名其所為詩必宗老杜一如其醫之必宗仲景云

乾隆三十三年歲次戊子

嶽岩老人世輔書於虎邱山塘之思永堂

聞者著書難選書尤難醫理之難知也其書汗牛充棟欲別贗存真如披沙揀金覽之博尤貴擇之精吾鄉尤在涇先生通儒也邃於醫理所著醫書數種已刻者早已家置一編而治雜病一書祇存鈔本是書之必傳於後無庸贅述獨惜其未廣所傳也吾宗

澹安大兄昔同遊西疇夫子門析疑賞奇師深喜其好學迄今積三十年孜孜不倦宜其乞方踵至名動公卿乃復虛懷若谷雖盛暑晚歸余至必剪燭深談也嘗出郭氏傷寒論補亡尤氏雜兩書正譌補缺相

與商確者久之今尤氏書校刊已成從其先付剖劂
名之曰金匱翼尤氏固為仲聖功臣而澹安亦屬
尤氏知己矣是為序

弟柏雪峰氏拜書

尤氏金匱翼序

傷寒而外金匱一書又雜證之大法門也吾吳尤在
涇先生學術淵深天機敏妙嘗以其吟咏自得之餘
究心靈素有金匱心典集註北田讀書錄行世又出
其生平見聞所以羽翼金匱者條分縷晰則為八卷
祖述仲景遺意薈萃各家之說叅以論斷所謂廣長
舌大法輪可想見先生濟世婆心矣余生也晚不獲
親炙先生討論精奧讀其書如見其人焉聞諸故老
云先生鍵戶著書絕意榮利一如名宿如方東華顧

時

序

秀野沈歸愚李客山諸君相與結城南之社其詩採
入國朝別裁集為時所誦習者已久晚年為人治
病多奇中蓋歷數十年精意研殫宜其神妙莫測是
書余得之及門平舟沈子復於星門陳子處借校謄
正補缺名之曰金匱翼竊仿傷寒附翼之義夫科

舉之學揣摩家猶曰中式況於病乎則是書為金匱
羽翼而先生為仲聖功臣矣是為序

嘉慶十有八年癸酉三月長洲後學徐錦書於心太
平軒

大父拙吾府君家傳

楠生十年隨吾父移居花溪又四年而大父歿事大父日淺而所熟聞於吾父之口述者十有三焉恐後之人欲舉其事而無由也謹錄而載之家乘大父諱怡字在涇號拙吾曾大父第三子曾大父有田千畝會伯祖鼎黃公非幸被累鬻幾盡及析產大父僅受田三十畝繼又以事棄去遂為窶人某年除夕漏鼓移盞無粒米大母偕吾父枯坐一室中燈半滅大父方賣字於佛寺晨光透乃攜數十錢易米負薪而

歸業醫始不著於時大母以針指佐食嚴寒雞數鳴
刀尺猶未離手卒以是致疾大父時追悼之不蓄姬
妾者二十年大父甚貧困往來皆一時名流若番禺
方東華錢塘沈方舟寧國洪東岸同郡若顧秀野沈
歸愚陳樹滋徐龍友周迂村李客山諸先生皆折節
與交楠自曉事後未見有一雜賓至者性沉靜淡於
名利晚年治病頗煩稍暇即讀書灌花飼鶴觀魚以
適其幽閑恬淡之意闕閒作古文時文絕類荆川然
非所專力也已已得疾不服藥絕粒待盡易簀前一

日索紙筆書留別同社諸公詩書畫蒼勁不異平時
詩曰柳瓢松塵有前緣交好於今三十年曲水傳觴
宜有後旗亭畫壁猥居前病來希逸春無分老至淵
明酒已損捐此後音塵都隔斷新詩那得到重泉蓋
絕筆也所著醫書數種已刻者金匱心典集註醫學
讀書記以及北田吟稿二卷皆已膾炙人口大父少
時學醫於馬元一先生先生負盛名從遊者無算晚
得大父喜甚謂其夫人曰吾今日得一人勝得千萬
人矣後先生著書甚多皆大父所商榷以傳於此見

前輩之卓識云孫世楠述

此藹谷先生所作家傳也先生人品學問為吳
中名宿今讀其家傳益信家學淵源英賢繼起
實有所本云

澹安附識

參校諸同人姓氏

朱青溪

沈安伯

沈竹坪

邱士廉

顧心安

錢理安

邱雲坡

顧晴川